

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Des allernamhaftigsten vnnd hochehrnachten,
römischen Architecti, vnnd kunstreichen Werck oder
Bawmeisters Marci Vitruvij Pollionis, zehen Bücher von
der Architectur vnd künstlichem Bawen**

Vitruvius

Basel, 1614


VD17 VD17 12:627706R

Das VI. Cap. des VI. Buchs der Architectur Vitruuij

[urn:nbn:de:bsz:31-128543](https://nbn-resolving.org/urn:nbn:de:bsz:31-128543)

Commentaria oder Auslegung vnd erklärung
des vj. Cap. des vj. Buchs der Architectur
Vitruuij.

In diesem Capitel wil vns Vitruuius anzeigen / wie auch solche Gebew/
so er Decos nennet / auff ein andere art dann er nach Italiänischem Sprach
anzeigt hat / nemlich nach der manier der Völcker oder eynewohner zu Epi-
zico in der Landschaft Milestio: um gelegen in der gegend Propontidis / wie
Plinius vnd Strabo von diesen Völckern schreiben / vnd dise Statt für-
nemlich rühmen / von wegen des schönen Schlosses / Weerporten / Statimawren vnd
Thüren von Marmelstein vast künstlich vnd zierlich erbawen. Von diesem Stett-
lein haben diese Deci / so (wie Vitruuius meldet) nicht nach der Italiänischen ma-
nier erbawen worden / iren vrsprung / wiewol solche mit den Italiänische gleiche Sym-
metria haben / war es doch ein andre frembde art / dann die Balcken waren also eynge-
legt / daß man die alten hinweg nemmen / vnd newe an stat legen oder vnderziehen
mochte / ohn vnderstützung / wie dann solche manier noch heutigs tags zu Rom ander
Brücken / so man Pontem Salinum nennet / gesehen wird. Aber in diesem Capitel wil
Vitruuius durch das Griechisch Wortlein Oeci ein groß weit hauß eins grossen Ges-
sinds verstehen / wie ein Kloster oder Spital / vnd dergleichen / doch außgenossen was
zu der Kirchen gehört / sonder allein zum Lust vnd gnädlicher Haushaltung mit schön-



nen Gemachen erbawen. Von solchem Wortlein Oeci / werden die Schaffner vnd
Berweser dieser Haushaltung / Oeconomi genant: Wiewol auch ein solcher Bau/
wie er an diesem ort von Vitruuius beschrieben wirt / vast bequem were zu einem herr-
lichen Spital / wie dann zu Rom der groß fürtrefflich Spital Sancti Spiritus in sol-
cher Symmetria vnd ordnung gar schön zierlich erbawen / desgleichen der Spital
zu Florenz vnd Senis / welche gegen Mitternacht gerichte / vnd innerhalb ihz schön vnd
lieblich außsehen haben / desgleichen seind die Fenster in zierlicher höhe vnd weite / daß
mit der Dunst / Dampff vnd Athem / so von den Krancken gehet nicht verschloß-
sen oder verhalten werde: so wirt sich Vitruuius in folgendem zehen-
den Capitel auch selbs erklären / doch zu mehrerm bericht be-
schawe vorgehende Figur.

Segert